

ՆԱԽՆԻՆԵՐԻ ԿԱՆՁԸ

ԵՐԿՆՆՅՈՒՆՆԵՐԻ ԱՐՏԱՍԱՆՈՒԹՅՈՒՆԸ ԵՎ ԳՐՈՒԹՅՈՒՆԸ

Ինչպես գիտենք, հայերենում **յ** բաղաձայնն ավելի թույլ արգելքով է արտասանվում և ավելի շատ է ձայն պարունակում, քան մյուս բաղաձայնները: Մյուսներից տարբերելու համար **յ** հնչյունը կոչում են **կիսաձայն**:

Կիսաձայն **յ** հնչյունի և որևէ ձայնավորի կապակցությունը կոչվում է երկհնչյուն:

Օրինակ՝ **մայր, լույս, մատյան, ալյուր** բառերի մեջ **այ, ույ, յա** կապակցությունները երկհնչյուններ են:

Հայերենն ունի հետևյալ երկհնչյունները՝ **այ**-հայր, քարայր, **յա**-Արաքսյա, **չարաթօրյակ, էյ** (արտասանվում է **էյ**)-թէյ, **Ջէյ**-թուն, **ե** (արտասանվում է **յե**)-երազ, **եղնիկ, Միքայել, յի**-ամառային, **գայի, ոյ** (արտասանվում է **ոյ**)-Նոյ, **գոյ, յո**-յոթանասուն, **արդյոք, ույ**-գույն, **լույս, յու**-արյուն, **մյուս**:

Հայերենի երկհնչյունների արտասանությունն ու գրությունը մեծ մասամբ համապատասխանում են, օրինակ՝ **կղզյակ, Հրաչյա, հայր, թէյ, բույր, վայրկյան**:



Առաջադրանքներ

1. Ընդգծիր տրված բառերից տասի երկհնչյունները:

Անագորույն, Անդրեյ, առօրյա, արդյունք, եռամսյակ, համբույր, հայկյան, հիմնադրույթ, հնադարյան, այբբենարան, այդպիսի, առավոտյան, դրախտավայր, ելույթ, հնչյուն, հնօրյա, ճայթել:

2. Բառերը խմբավորիր աղյուսակում՝ ըստ *այ, յա, յու, ույ, ոյ, յո* երկհնչյունների:

Հայրիկ, հույզ, թյուր, կույս, համայն, ճայթյուն, թույլատրել, հոգյակ, ձյութ, ճառագայթ, խայթ, խնջույք, կայսր, մեհյան, մինյանց, ոսկյա, պայծառ, քառյակ, բայց, բյուր, բրդյա, գրքույկ, ակնաբույժ, աղբյուր, այծ, այտ, ասույթ, ատյան, արծաթյա, արյուն, զեփյուռ, խոյ, հայց, յող, հետախույզ, հնամյա:

այ	յա	յու	ույ	ոյ	յո

3. Լրացրո՛ւ բաց թողնված երկհնչյունները:

Օֆել___, Վոլոդ___, Եղ___ազար, Արաքս___, Եվգեն___, Վիլ___մ,
Սուր___ս, Վիկտոր___, Մար___մ, Սոֆ___, Միքա___ել, Գա___նե, Երեմ___:

4. *Հայելի, թեյ, մապրյան, եղբայր, մայր, արյուն* բառերին ավելացրո՛ւ արմատ կամ ածանց, կազմիր նոր բառեր և գործածիր նախադասություններում:

ՅԱ-ԻԱ-ԵԱ

Յա երկհնչյունը **իա** տառերով է գրվում.

ա) հայերեն հետևյալ բառերում՝ **հեքիաթ, կրիա, օվկիանոս, խավիար, բամիա, փասիան, ալելուիա,**

բ) մի շարք անձնանուններում և ազգանուններում՝ **Ազարիա, Անանիա, Բենիամին, Բունիաթ, Եղիա, Ալիսիա, Մարիամ, Մարիա, Լիա, Եղիազարյան, Սուքիասյան** և այլն (բացառություն են՝ **Վանյա, Վոլոդյա, Իլյա** և այլն),

գ) աշխարհագրական անունների վերջում՝ **Ֆրանսիա, Բելգիա, Գերմանիա, Իտալիա, Մեծ Բրիտանիա, Մալաթիա-Մեբասիա, Նոր Եդեսիա,**

դ) օտար լեզուներից փոխառված բառերում՝ **ակադեմիա, էներգիա, լաբորատորիա, միլիարդ, քիմիա, օլիմպիադա:**

Կանանց օտար անունները գրվում են **յա**-ով, ինչպես՝ **Էլյա, Լիլյա, Օլյա, Սոնյա, Մելանյա, Մարուսյա, Մանյա, Արաքսյա, Եպրաքսյա, Եվգենյա, Երմոնյա:**

Մի քանի անուններ ունեն զուգաձևեր:

Աշխարհագրական անուն

Ասիա (աշխարհամաս)

Սոֆիա (Բուլղարիայի մայրաքաղաքը)

Վիկտորիա (ջրվեժ և լիճ)

Աղջկա (կնոջ) անուն

Այա

Սոֆյա

Վիկտորյա

Մի քանի բառերում էլ գրվում է **եա**, ինչպես՝ **Անդրեաս**, **հրեա**, **իդեալ**:



Առաջադրանքներ

1. Լրացրո՛ւ բաց թողնված **յա**, **իա** կամ **եա** երկհնչյունները:

Գերման __, գործուն __, գրասեն __ կ, էքսկուրս __, խավ __ ր, ծ __
ծան, հեք __ թ, միմ __ նց, դաստ __ րակ, բամ __, բար __ ցական,
Բուն __ թ, Զմյուն __, էներգ __, ժան __ կ, Կիլիկ __, կիրակնօր __,
հոգ __ կ, ձապոն __, Երեմ __, Սոֆ __ (քաղաք), Սոֆ __ (անուն),
հր __, իդ __ լ, այժմ __ կան, Վիկտոր __ (անուն), Վիկտոր __ (ջրվեժ),
Աս __ (անուն), Աս __ (աշխարհամաս), Անան __, ատ __ ն, Արուս __ կ,
արևել __ ն, մետաքս __, Մալաթ __, Մար __ մ, Նատալ __, սար __ կ,
Սիր __, վերոհիշ __ լ, փաս __ ն, միջօր __ կան, Անդր __ ս, քվ __ րկել:

2. Վերը թվարկած բառերը խմբավորի՛ր աղյուսակում՝ ըստ երկհնչյունների գրության:

յա	իա	եա

ՈՒՅ – ՅՈՒ

Ույ և յու երկհնչյունները ինչպես արտասանվում, այնպես էլ գրվում են, օրինակ՝ բույր, ընկույզ, հյուր, ձյուն, արյուն, Սյունիք, Ծովագյուղ:

Պետք է զգուշանալ բառի մեջ ավելորդ յ ներմուծելուց: Արտասանել սյունակ, աղյուսակ, պայուսակ:



Առաջադրանքներ

1. Ընդգծիր տրված բառերի երկհնչյունները:

Հյութ, անագորույն, արդյունք, եռանկյուն, համբույր, հիմնադրույթ, առյուծ, արյուն, ելույթ, հնչյուն, բյուրեղ, նյութ:

2. Լրացրո՛ւ բաց թողնված ույ կամ յու երկհնչյունները և խմբավորի՛ր:

Ընկ__զ, ողջ__ն, ձ__թ, զգ__շ, ս__նակ, աղ__սակ, ալ__ր, պա__սակ, բ__ր, բ__ր, հ__ս, հ__ս, ս__ն, ս__ն, առ__ծ, ողջ__ն, աշխ__ժ, շառաչ__ն, հնչ__ն, կապ__տ, հ__ր, մ__ս:

ույ	յու

3. Հետևյալ բառակապակցությունների իմաստն արտահայտի՛ր մեկ բառով՝ նշելով երկհնչյունների հնչյունափոխությունը (եթե կա): Ատամներ բուժող, մանուկներին բուժող, պարույրի ձև ունեցող, դաշույնով հարվածել, վերքեր բուժող, շահույթ բերող, զրույց սիրող, հույսը կորցրած, լույս բերող, բուսականությունից զրկված:

Նմուշ՝ մանուկներին բուժող – մանկաբույժ